

Allanguutissatut siunnersuut

uunga

Uunga siunnersuut: Pisortanit ikiorsiissutit pillugit Inatsisartut Inatsisaat

Aappassaanneerpeqarneranut Naalakkersuisunit saqqummiunneqartoq.

§ 27-mut

1. § 27 ima opaasertalerneqassaaq

“ § 27. Tunngaviusumik akigititaq pisortanit ikiorsiissutininik tiguisartooq paaqqinnittarfimmi imaluunniit ulloq unnuarlu neqeroorummi pisortat aningaasartuutaasunik akiliiffigisartagaanni sivisunerusumik najugaqarsimappat annerpaamik 2.500 kr.- niusinnaavoq.”

Siunnersuummut nassuiaatit

Nassuiaatit nalinginnaasut

Naalackersuisoqarfiup maluginiarpaa, aalajangersakkami aningaasat taaneqartut kalaallisuuani danskisuuani assigiinngitsuusut.

Tamanna matumuuna ersarissarneqarpoq, inatsit kalaallisut danskisullu assigiimmik allaqqassammat.

Siunnersuummi aalajangersakkanut ataasiakkaanut nassuiaatit

Nr. 1-imut

Aalajangersagaq ikiorsiissutininik annertussusileriikkanik tiguisartoq ulloq unnuarlu neqeroorummi, ulloq unnuarlu paaqqinnittarfimmi assigisaanniluunniit najugaqarsimatillugu atorneqassaaq. Pisortat ineqarnermut nerisassanullu aningaasartuutitut akiliuteqareertarmata ikiorsiissutit annertussusileriikkat tunngaviusumik akigititamut tapimullu tunngatillugu annerpaamik 2.500 kr.-niussaata iluarsiiqqineqarput.

Assersuutigalugu ikiorsiissutininik annertussusileriikkanik tiguisartoq sammisassani peqataasarnermigut tunngaviusumik akigititamik 4.500 kr.-niusunik tapermillu 500 kr.-niusumik pisinnaatitaaffeqassaaq. Ikiorsissutini annertussusileriikkani ataatsimut 5.000 kr.-nit nalinginnaasumik tunniunneqarsinnaassapput. Ikiorsissutininik annertussusileriikkanik tiguisartoq ulloq unnuarlu neqeroorummi najugaqarpat aningaasat 2.500 kr.-ninit iluarsineqassapput, tunngaviusunik pisartakkanik 2.000 kr.-inik aamma tapisianik 500 kr.-inik imaqartunik pisartagaqartoq ingerlatassanut peqataasarsimappat.